

CONSULTA PÚBLICA

Destinatarios: Suxeitos e organizacións máis representativas potencialmente afectados pola norma.

Xustificación: Artigo 133 da Lei 39/2015, de 1 de outubro, do Procedemento Administrativo común das Administracións Públicas

O Concello do Barco de Valdeorras ten a vontade de proceder á modificación parcial do Regulamento de réxime interno das piscinas climatizadas do Barco de Valdeorras". Neste sentido, e de conformidade co previsto no artigo 33 da Lei 39/2015, do 1 de outubro, do Procedemento Administrativo Común das Administracións Públicas, acórdase a apertura dun período de consulta pública de 20 días hábiles, contado desde o día seguinte ao da súa publicación, que levará a cabo a través da web municipal e a sede electrónica do Concello do Barco de Valdeorras con relación aos puntos seguintes:

PROBLEMAS QUE SE PRETENDEN SOLUCIONAR COA INICIATIVA:

O Concello presta dende o ano 2010 o servizo público da piscina municipal climatizada en réxime de xestión indirecta. O contrato de xestión do servizo foi resolto por mutuo acordo con efectos dende o 30 de xuño de 2018. O Concello iniciou a tramitación administrativa precisa para executar determinadas obras para garantir un servizo de calidade, como paso previo á licitación da explotación do servizo.

Entre esas actuacións necesarias e previas á licitación se atopa como primeiro paso o establecemento do réxime xurídico do servizo de xeito que aclare expresamente que a actividade de que se trata queda asumida pola Administración respectiva como propia da mesma, determine o alcance das prestacións en favor do administrado e regule os aspectos de carácter xurídico, económico e administrativo relativos á prestación do servizo (artigo 284 da Ley 9/2017, de 8 de noviembre, de Contratos del Sector Público, por la que se transponen al ordenamiento jurídico español las Directivas del Parlamento Europeo y del Consejo 2014/23/UE y 2014/24/UE, de 26 de febrero de 2014; LCSP en diante).

O Concello dotouse dun Regulamento regulador do servizo público da piscina municipal climatizada, denominado "Regulamento de réxime interno da piscina climatizada do Barco de Valdeorras". O Regulamento publicouse no B.O.P. de Ourense núm. 58 de 12 de marzo de 2010.

O regulamento asumiu como propio o servizo declarándoo expresamente "servizo público" (artigo 3), determinou as prestacións que recibirían os usuarios e fixou aspectos de carácter xurídico e administrativos relativos á prestación do servizo. O que non estableceu foi o réxime económico do servizo no que se refire ao custo que para os administrados tería o uso do servizo público da piscina climatizada. Isto foi así por que no ano 2010 a fixación das tarifas podíase determinar mediante a oferta do licitador adxudicatario xa que se lle recoñecía unha natureza



La autenticidad de este documento se puede comprobar con el código 07E300013F3400J8M0C7T0F7C8 en la Sede Electrónica de la Entidad	FIRMANTE - FECHA		EXPEDIENTE :: 2019SEC00000070
	ALFREDO LAUDELINO GARCIA RODRIGUEZ -Alcalde/Presidente - 01/04/2019 serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 01/04/2019 10:02:00		Fecha: 01/04/2019 Hora: 00:00 Und. reg: REGISTRO GENERAL



xurídica de prezo privado. As demais consideracións económicas fixébanse no anteproxecto, nos pregos técnicos e na oferta do adxudicatario que acompañaron a licitación. A día de hoxe a fixación das contraprestacións económicas que se establezan coactivamente para a utilización do servizo público polos usuarios, segundo o artigo 20 do Real Decreto Legislativo 2/2004, de 5 de marzo, por el que se aprueba el texto refundido de la Ley Reguladora de las Haciendas Locales e 267 da LCSP, terán a condición de prestacións patrimoniais de carácter público non tributario conforme ao previsto no artigo 31.3 da Constitución e se regularán mediante ordenanza. No caso que nos ocupa, a prestación económica esixida ten carácter coactivo xa que de feito existe un monopolio do servizo de piscina climatizada na área de influencia que xustifica a viabilidade do servizo, estando a piscina climatizada aberta ao público máis próxima fóra da comarca e mesmo da Comunidade Autónoma (piscina climatizada de Toral de los Vados).

Polo tanto, faise preciso modificar o regulamento aínda que soamente sexa co obxecto de fixar as prestacións económicas que os usuarios do servizo terán que pagar para facer uso do mesmo para o caso de que o servizo se preste de forma indirecta mediante concesión de servizos e a tarifa sexa percibida polo concesionario.

Aproveitando a modificación preceptiva do regulamento proponse realizar determinadas correccións, actualizacións e melloras na redacción vixente aconselladas, por unha banda, pola normativa vixente que establece novas ou diferentes esixencias ás existentes no ano 2010 e, por outra banda, pola experiencia práctica do servizo que, tralo transcurso de 9 anos dende a súa implantación, demostra a necesidade de realizar pequenas modificacións na redacción de algúns artigos.

NECESIDADE E OPORTUNIDADE DA SÚA APROBACIÓN:

As circunstancias arriba transcritas fan conveniente a adopción dunha regulación adecuada ao marco normativo vixente, determinado mediante ordenanza as tarifas dos usuarios, regulando un novo réxime sancionador axustado ao Título XI da Lei 7/1985 e ordenar, simplificando e aclarar determinados aspectos da ordenanza . A base xurídica da elaboración e aprobación, no seu caso, da ordenanza en cuestión, atopa o seu antecedente, en primeiro lugar, na autonomía municipal acuñada pola nosa Carta Magna no seu artigo 137 e pola Carta Europea de Autonomía Local, en relación coas colectividades previstas nos artigos 140 e 141 da nosa Constitución.

OBXECTIVOS DA NORMA:

A redacción desta regulación municipal busca simplificar e reducir trámites, axustar á legalidade os aspectos económicos (tarifas) e xurídicos (infraccións e sancións) e acomodar o regulamento ás necesidades que se derivan da experiencia dos 9 anos nos que se prestou o servizo.

POSIBLES SOLUCIÓNS ALTERNATIVAS REGULATORIAS E NON REGULATORIAS:

2



<p>La autenticidad de este documento se puede comprobar con el código 07E300013F3400J8M0C7T0F7C8 en la Sede Electrónica de la Entidad</p>	<p style="text-align: center;">FIRMANTE - FECHA</p> <p>ALFREDO LAUDELINO GARCIA RODRIGUEZ -Alcalde/Presidente - 01/04/2019 serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 01/04/2019 10:02:00</p>	<p>EXPEDIENTE :: 2019SEC000000070 Fecha: 01/04/2019 Hora: 00:00 Und. reg: REGISTRO GENERAL</p>
---	--	---



O Principio de Seguridade Xurídica, e a súa efectiva realización, fan conveniente a plasmación dos extremos arriba referidos nun instrumento normativo como as Ordenanzas. A lexislación vixente esixe que para conseguir os obxectivos plantexados se leve a cabo a aprobación dunha ordenanza, polo que non se encontran alternativas á regulación regulamentaria.

O prazo desta consulta previa rematará o 15 de abril de 2019.

O Barco, 1 de abril de 2019

O alcalde

Alfredo L. García Rodríguez



La autenticidad de este documento se puede comprobar con el código 07E300013F3400J8M0C7T0F7C8 en la Sede Electrónica de la Entidad	FIRMANTE - FECHA	EXPEDIENTE :: 2019SEC000000070
	ALFREDO LAUDELINO GARCIA RODRIGUEZ -Alcalde/Presidente - 01/04/2019 serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 01/04/2019 10:02:00	Fecha: 01/04/2019 Hora: 00:00 Und. reg: REGISTRO GENERAL

